

四庫全書

史部

欽定四庫全書考證

史部

卷二十八
之二十九

纂修官候補司業臣王太岳

臣曹錫寶

謄錄拔貢生臣張山荆

欽定四庫全書考證

卷二十八 史部

五代史

宋史

--	--	--	--	--	--	--	--	--

五代史

宋歐陽修撰

目錄

徐無黨總注劉龔已稱漢而劉旻又稱漢刊本龔訛
襲據南漢世家改

卷一

梁本紀大順二年十一月曹州將郭紹賓殺其刺史郭
饒來降按新唐書昭宗紀曹州將郭銖殺其刺史郭
詞朱宣傳同又按宣傳宣復取曹以郭詞為刺史此
脫去宣復取曹一節則前此全忠已陷曹州此時不

得復言來降矣 又景福元年冬友裕取濮州按前
于光啟三年言取濮州以後不言復失合之新唐書
朱宣傳則當在宣取曹州時 又光化元年七月攻
匡凝取其泌隨鄧三州注朱全忠徙治泌陽表更名
泌州刊本名訛乞據新唐書地理志改

卷二

開平二年三月匡國軍節度使劉知俊為潞州行營招
討使按職方考同州唐匡國梁改忠武後唐復曰匡
國劉知俊傳從破青州表匡國軍節度使康懷英傳

李思安討潞無功以同州劉知俊為招討使則當知俊初鎮同州時在唐方為匡國故傳可云匡國新唐書帝紀亦稱天祐三年匡國軍節度使劉知俊陷坊州而此為潞州行營招討自宜改稱忠武不得尚云匡國也下為西路行營招討正書忠武軍節度使得之矣又劉知俊及岐人戰于漠谷按劉知俊傳漢作幕新唐書朱泚傳亦作漢

四年八月護國軍節度使楊師厚為西路行營招討使以伐岐按師厚傳無徙鎮河中事況此時朱友謙

在河中未有逆萌師厚無由為護國節度使也此護國當是鎮國之訛

乾化元年正月天雄軍節度使楊師厚為北面行營招討使按本傳師厚為山南東道節度使以克劉知俊功遷保義又徙宣義已而從太祖擊趙明年留屯魏州明年師厚逐節度使羅周翰友珪因以師厚為天雄節度使羅宏信傳亦云子周翰乾化二年為楊師厚所逐計師厚遷保義宣義當在開平四年其屯魏州在乾化元年此時羅周翰尚在師厚不得稱天

雄節度使也此誤

二年五月丁亥 刊本五訛三據毛本改

卷三

貞明二年秋七月安國軍節度使閻寶叛附于晉按職
方考邢州梁為保義軍莊宗改曰安國此安國軍當
作保義軍 又九月橫海軍節度使戴思遠奔于京
師按唐書方鎮表太和五年齊德滄節度賜號義昌
軍節度通鑑乾化二年改義昌為順化軍此橫海軍
當作順化軍

卷四

唐本紀光啟元年徙重榮兗州按舊唐書王重榮傳新
唐書沙陀傳俱作徙重榮于易定又大順元年以
濬為太原四面行營兵馬都統韓建為副使按新唐
書沙陀傳張濬為兵馬招討制置宣慰使京兆尹孫
揆副之韓建為行營馬步都虞侯兼供軍糧料使新
舊唐書昭宗紀張濬傳及新書忠義傳並同此誤
又天復元年四月葛從周入土門刊本土訛上據舊
唐書昭宗紀改

卷六

長興四年春正月劉昫為中書侍郎按昫傳事在長興三年又十一月侍衛親軍都指揮使康義誠刊本義訛意據本傳改

卷七

清泰二年夏五月辛卯按是年正月丙申朔二月丙寅朔則五月不得有辛卯通鑑作四月辛卯者得之三年夏五月乙卯按下有戊申己酉壬子等日則五月中不得先有乙卯通鑑作丙午者得之

卷八

晉本紀天福元年十一月以幽涿薊檀順瀛莫朔雲應
新媯儒武襄州入于契丹 刊本莫訛漠據文獻通
考改後並同

二年秋七月安州屯防指揮使王暉殺其節度使周瓌
刊本壞訛環據李金全傳改

卷九

天福八年十一月高麗使其廣評侍郎金仁逢來 刊
本評訛平據毛本及高麗附錄改

開運二年春正月契丹陷秦州三月馬全節克秦州

按五代會要唐天成三年升奉化軍為秦州以清苑縣為理所晉開運二年移治滿城縣周廣順二年廢州其滿城縣割隸易州馬全節傳述更太宗紀俱作秦州此秦字並當是泰字之誤杜重威李守貞張彥澤傳並同

卷十一

周本紀乾祐元年三月調五縣丁二萬人築連壘刊本丁訛十今改又於是加貞固司空逢吉司徒案漢

紀天福十二年貞固已守司空宋史實貞固傳同又云隱帝即位加司徒蘇逢吉傳乾祐二年加拜司空不言又加司徒通鑑作加貞固司徒逢吉司空者得之

卷十二

世宗本姓柴氏邢州龍岡人也 按周家人傳太祖后柴氏邢州堯山人與太祖同里宋史張永德傳柴后父稱魏人柴翁語各異

顯德三年十一月殺李景之臣孫晟注蓋已深罪周殺

忠臣則晟之死節自著 刊本晟訛成據毛本改

六年五月封子宗訓為梁王宗誼燕國公 按周家人傳宗誼作宗讓考世宗長子宜哥為漢誅太祖即位詔賜名誼則此當以作讓為正

考證是敗唐人于淮上非正陽也 按通鑑注淮水西岸謂之西正陽東岸謂之東正陽是正陽即淮上也通鑑明言重進渡淮逆戰于正陽東綱目特省于正陽東四字正謂正陽之即淮上耳至紀與世家不言斬將事亦臨文偶略非與綱目有異也

卷十三

梁太祖母王氏傳單州單父人也 按職方考單州唐

末以宋州之碭山置輝州已而徙治單父後唐改輝
州為單州此單父若據唐言當稱宋州据梁言當稱
輝州不得據後唐稱單州也後元貞皇后傳單州碭
山縣同誤

太祖元貞皇后傳天福元年 按福字當是復字或祐
字之誤

博王友文傳拜韓勅忠武軍節度使 按牛存節傳遷

匡國軍節度使未帝立徙鎮天平考職方考許州唐故曰忠武梁改匡國同州唐故曰匡國梁改忠武此時牛存節實在同州則韓勣當是鎮許州也此忠武軍應作匡國軍

卷十四

莊宗神閔敬皇后傳同光二年四月己卯 按本紀作二月癸未

太祖子傳存霸厯昭義天平河中三軍節度使 按職方考潞州唐故曰昭義梁曰匡義唐改安義此昭義

當作安義餘倣此

莊宗五子傳郭崇韜為都招討使刊本崇訛從今改
又十月己酉繼岌至綿州按通鑑作十一月己酉此
脫一字 又自出師至降衍凡七十五日按通鑑考
異曰唐軍九月戊申離洛城十一月丁巳入成都止
七十日此仍舊五代史之訛

卷十五

明宗四子傳從璟賜名繼璟 刊本繼訛從據通鑑改
秦王從榮傳十一月戊子雪 按本紀作十月壬申

卷十七

高祖皇后李氏傳得地五十餘頃

鑑改 刊本十訛千據通

卷十八

高祖二弟三子傳以都押衙鞏廷美

刊本此下廷字

或作延及定及定係宋人避諱所改今俱改正

卷二十

柴守禮傳是時王溥王晏 刊本王晏訛汪晏據宋史
改

世宗子傳次二皆未名 刊本二訛三據毛本改

卷二十一

龐師古傳淮南決河上流水至矣 按南毛本作人
霍存傳不若遣兵邀之 按兵毛本作存

卷二十二

康懷英傳以懷英為保義軍節度使 按職方考陝州
梁曰鎮國唐曰保義梁之保義在邢州王檀傳太祖
即位遷保義軍節度使力戰全邢州友珪立徙宣化
本紀於開平三年先書保義軍節度使王檀為潞州招

討使繼書鎮國軍節度使康懷英伐岐亦可見命將致討各就近鎮此傳之保義當依紀作鎮國固在陝而不在邢也

牛存節傳乃遷存節匡國軍節度使 按高萬興傳劉知俊叛徙牛存節守同州此匡國軍當作忠武軍

卷二十三

楊師厚傳以功遷保義軍節度使 按邢州在梁為保義此時王檀在邢師厚無由亦遷邢也考梁陝州鎮國軍唐故曰保義後唐亦曰保義史家往往從其恒

稱不及更定故康懷英傳稱懷英為保義節度使討
劉知俊而本紀仍稱鎮國節度使康懷英代岐此當
是懷英敗後師厚繼為節度招討俱在陝而不在邢
也本紀於開平四年稱護國軍節度使楊師厚為西
路行營招討使益以見護國為鎮國之訛而此之保
義自當定為鎮國矣通鑑于開平四年屢書鎮國軍
節度使楊師厚又云楊師厚還陝得之

賀瓌傳貝衛洺梁諸州皆入于晉 按職方考磁州梁
曰惠州唐復曰磁州此磁字當作惠

卷二十四

郭宗韜傳乃遣宗韜與毛璋將數千人夜行 刊本璋

訛彰今改

卷二十五

西方鄴傳定州滿城人也 按新舊唐書地理志滿城

屬易州

卷二十六

符習傳明宗乃以房知溫代習鎮平盧拜公儼登州刺史公儼不時承命知溫擒而殺之 按本紀天成元

年八月平盧軍節度使霍彥威殺其登州刺史王公儼霍彥威傳明宗即位彥威徙鎮平盧天成三年卒于鎮考本紀天成三年三月王建立為尚書右僕射十一月罷王建立傳為右僕射出為平盧節度使又徙上黨王晏球傳天成三年王都反明年克之以功拜天平節度使又徙平盧是歲卒房知溫傳天成元年拜泰寧軍節度使明年為北面招討使屯於盧臺効節軍亂知溫以騎軍盡殺亂者徙鎮武寧厯天平平盧通鑑于霍彥威之卒係之天成三年十一月明

是彥威卒于青建立代之建立去後晏球以天平徙鎮而知溫又承晏球之後也蓋知溫無再鎮平盧事傳稱治第青州天福元年卒于官宋史顏衍傳亦云晉祖入洛知溫善終知溫固無由先霍王諸人而在平盧也然則殺王公儼者霍彥威也此云房知溫乃因盧臺誅亂事相類而誤耳

孔謙傳晉與梁相拒河上十餘年按魏博入晉在梁貞明元年距梁亡首尾僅九年此云十餘年誤卷三八張承業傳同又鄴北都也按帝紀同光元年以

魏州為東京鎮州為北都此以北都稱鄴誤下留守
北都同

李仁矩傳光業私以書示樞密承旨李虔徽 刊本徽
訛微據通鑑改

卷七十二

劉延朗傳愍帝即位徙廢帝為北京留守刊本守訛中
據明鑑本改 又遣審度將千騎至白司馬坂刊本
坂訛坡按唐書酷吏傳洛陽有白司馬坂通鑑於此
正作坂注在洛陽北今據改

卷二十八

張憲傳憲出奔沂州 按沂州疑當作忻州

卷三十

蘇逢吉傳筠快快以其橐裝之半獻之 刊本橐訛橐
今改

史弘肇傳乾祐三年冬十月十三日 按本紀作十一月
丙子是年十二月甲午朔則十一月十三日正當
丙子此脫一字

卷三十一

王朴傳選文學之士徐台符等二十人 刊本人訛八

據毛本改

卷三十二

王彥章傳鄆州壽張人也 刊本張訛昌據唐書地理

志改

卷三十三

張源德傳梁貞明三年魏博節度使楊師厚卒 按梁

紀貞明元年天雄附于晉次年劉鄩敗于故元城晉

遂取衛州相州又克貝州唐紀及賀德倫傳並同此

三年當是元年之誤

王忠同傳是時吐蕃數為寇而秦州無亭障刊本秦
訛泰據職方考改

張敬達傳徙鎮武信晉昌按通鑑注明宗置武信軍于
遂尋為孟知祥所陷晉始改長安為晉昌軍通鑑前
書敬達自建雄節度代敬瑭建雄軍晉州也歐史誤
以為晉昌又不知武信緣何而誤考通鑑前書武寧
節度使張敬達屯代州而本傳不言鎮武寧疑武信
當是武寧之誤本紀亦書建雄軍節度使張敬達為

太原四面都招討使則顯以晉州誤晉昌也 又旌
旗相屬五十餘里刊本十訛千據通鑑改

王清傳開運二年冬從杜重威戰陽城按本紀杜重威
戰陽城在是年三月此誤 又是年重威軍中渡橋
南按本紀及杜重威皇甫遇張彥澤等傳重威軍中
渡俱在開運三年此誤

卷三十五

唐六臣傳序彗星出西北掃文昌軒轅天市 刊本天
訛太據毛本改

卷三十六

李嗣昭傳汾州太谷縣民家子也按唐宋地理志太谷縣俱屬并州此誤又天祐三年按本紀克用謂天祐非唐號不可稱乃仍稱天復則是年當稱天復七年又莊宗為契丹圍之數十重刊本重訛里今改

卷三十九

王鎔傳景福元年乃大舉擊趙下臨城按唐本紀晉取臨城在大順二年其明年晉會王處存攻鎔乃為景福元年舊唐書昭宗紀王鎔傳並同此誤又明年

會莊宗於承天軍按唐本紀天祐八年正月敗梁軍于柏鄉七月會趙王王鎔于承天軍梁本紀亦書乾化元年正月王景臣及晉人戰于柏鄉蓋乾化元年即開平四年之明年而晉之天祐八年也此誤

劉守光傳遺其子收文襲滄州刊本州訛洲今改又自祈溝入其檀涿武順諸州刊本檀訛檀據通鑑改

卷四十

李仁福傳有拓拔思敬者為夏州偏將後以與破黃巢功賜姓李氏按後山談叢五代史拓拔思恭思敬

兄弟也而誤作一人考新舊唐書宋史及通鑑與破黃巢者俱作拓拔思恭或作李思恭通鑑于乾寧元年三月書保大節度使李思孝薦弟思敬自代九月保大留後李思敬為節度使前蜀世家有武定節度使拓拔思敬新唐書昭宗紀作思恭而通鑑亦作思敬此李仁福傳思敬卒而思諫已立當乾寧二年則不應至乾寧三年及天復二年而思敬尚在鄜州與洋州也蓋鎮保大鎮武定者為思敬而破黃巢者自為思恭也

韓遜傳洙卒即以洙子澄為朔方軍留後 按康福傳作韓洙弟澄與此異

高萬興傳是時周密為彰信軍節度使 按劉景巖傳周密鎮延州職方考延州唐曰彰武此信字當是武字之訛

溫韜傳遂徙忠武 按許州自梁言之當為匡國此誤

卷四十一

盧光稠傳開平五年光稠病 按開平五年即乾化元年是年五月改元然據通鑑盧光稠卒于開平四年

此五字誤

卷四十二

王師範傳語其僕劉鄩曰 刊本鄩訛剗今改下同

李罕之傳已而孫儒陷河陽 刊本河訛洛今改

孟方立傳軍于淦水之西 按元和郡縣志磁州理淦

陽以在淦水之陽故曰淦陽此淦字當是淦字之誤

卷四十四

丁會傳光啟四年東都張全義襲破河陽 按光啟四

年即文德元年是年以二月改元而張全義襲河陽

在四月乙亥則不仍稱光啟也此誤

康延孝傳吾懸軍千里入人之國 刊本懸訛遠據通鑑改

卷四十五

張全義傳明年十一月莊宗幸洛陽 按本紀同光元年十一月甲子如洛京二年二月己巳朔有事於南郊此明年二字誤

表象先傳在宋州十餘年 按象先貞明四年為平盧節度使徙宣武莊宗滅梁象先來朝洛陽是歲卒謂

象先即以貞明四年徙宣武而下距同光元年亦祇九年此誤

朱漢賓傳歷磁滑宋亳曹五州刺史 按磁當作惠

卷四十六

霍彥威傳徙鎮義成 按職方考滑州唐故曰義成以避梁王父諱改曰宣義此當作宣義

王建立傳居歲餘自言不識文字願解三司 按本紀天成三年三月成德軍節度使王建立為尚書右僕射十一月罷通鑑天成三年十一月甲午王建立充

平盧節度使然則建立即以入相之年出鎮也此誤
郭延魯傳父子特以善政著聞焉 刊本脫政字聞字
據毛本增

卷四十八

盧文進傳文進以先降拜壽州刺史 按馬氏南唐書
壽州作蔚州

李金全傳天成中為彰武軍節度使 按職方考延州
彰武涇州彰義此彰武當作彰義

王周傳歷遷武勝保義義武成德四鎮 按晉改成德

軍為順德軍鎮州為恒州史多以舊軍州名書之餘
做此

卷四十九

孫方諫傳莫州清苑人也 刊本莫訛鄭按新唐書地
理志莫州本鄭州開元十三年以鄭鄭文相類更名
今據改

卷五十一

董璋傳長興元年九月知祥攻陷遂州璋攻陷閬州
按唐紀長興元年十月乙巳董璋陷閬州二年四月

甲寅董璋陷遂州通鑑據後蜀世家于璋陷閬州書
元年九月庚辰李仁罕陷遂州書二年正月庚午語
各異

卷五十四

馮道傳道相明宗十餘年按明宗在位僅八年此誤
李愚傳渤海無棣人也按舊唐書地理志滄州渤海
郡天寶元年改為景城郡乾元元年復為滄州此渤
海當作滄州并不得作景城也

卷五十六

和凝傳梁義成軍節度使賀瓌辟為從事 按滑州在

梁為宣義此義成軍當作宣義軍

呂琦傳父充為橫海軍節度使判官 按橫海軍當作

義昌軍下同

卷五十七

王延傳莫州長豐人也 刊本莫訛鄭據唐書地理志

改

卷六十

職方考譜定州梁義武 刊本武訛成今改

潞州梁末帝時改曰匡義歲餘唐滅梁改曰安義 按
唐紀同光元年三月潞州附于梁十月滅梁義兒傳
居數月莊宗滅梁此云歲餘者誤

卷六十一

吳世家梁兵攻青州王師範來求救刊本師訛思據毛
本改 又鄂州劉存岳州陳知新以舟師伐楚敗于
瀏陽刊本瀏訛劉據楚世家改

卷六十三

南唐世家李煜封弟從善韓王從益鄭王按徐鼎臣騎

省集有太尉中書今鄭王從善詩又有鄭王加元帥
江寧尹制詞又馬氏南唐書作鄧王從益紀傳並同
後主亦有送鄧王二十弟從益詩陸氏書亦作鄧王
而益作鎡 又注滅王氏割淮南自各差一年爾刊
本一訛二今改

卷六十三

前蜀世家逐節度使牛勗自稱留後按舊唐書僖宗紀
作牛蔚新唐紀作牛勗考勗與蔚俱牛僧孺子而勗
則無聞新唐書叢傳不言鎮興元蔚傳惟言為山南

西道節度使以吳行魯代還又不言為鹿晏宏所逐也通鑑從新紀作勗又昭宗遣左諫議大夫李珣為兩川宣諭和協使按舊唐書僖宗紀光啟四年陳敬瑄告難于朝詔中使諭之則是僖宗而非昭宗也本傳此下方紀文德元年此當因下昭宗遣諫議大夫李洵宣諭兩川之文而又訛洵為珣也

傳論予讀蜀書刊本脫書字又世所謂王者之嘉瑞刊本世下衍道字並據鑑本增刪

卷六十五

南漢世家末帝紀位悉以隱官爵授龔龔封南海王按龔封當是襲封之訛又按梁紀末帝即位復稱乾化三年此先言三年後言即位誤也又龔遣李托守韶州是歲十月潘美平韶州龔喜曰韶桂連賀本屬湖南今北師取之足矣按此下又有十二月平韶州之文考宋史南海世家作十月韶州陷十二月韶州陷潘美傳同此守韶平韶韶桂三韶字俱係昭字之訛

卷六十六

楚世家周行逢傳顯德元年拜行逢武清軍節度使按
東都事畧世宗授行逢武平軍節度使宋史湖南世
家授行逢郎州大都督武平軍節度使此清字當是
平字之訛 又夫人嚴氏諫曰按通鑑作夫人鄧氏
東都事畧同宋史又作潘氏

卷六十七

吳越世家拜鏐鎮海鎮東軍節度使 按舊唐書昭宗
紀此事在乾寧三年秋八月通鑑作冬十月輟耕錄
錢氏錢劄乾寧四年八月甲辰朔四日丁未云云

史稱乾寧三年秋九月以繆為鎮海鎮東節度使而
券詞乃四年八月何耶又本傳後注蓋自唐乾寧二
年為鎮海鎮東軍節度使按錢鏐跨有浙東西則或
云乾寧三年或云四年而鏐之初鎮鎮海據舊唐書
昭宗紀則又在景福二年語亦不符

卷六十八

閩世家王淡唐相溥之子 按馬氏南唐書淡作俛此
後延義世家中有昶相王俛此淡字當是俛字之誤

卷六十九

南平世家季興因請夔忠等州為屬郡 刊本屬訛蜀

據毛本改

卷七十一

十國世家年譜序稱寶正六年辛卯則知其當改元矣

按容齋四筆錢武肅三改元有天寶寶大寶正三
名歐陽公偶遺之耳

卷七十二

四夷附錄每歲秋霜落則燒其野草刊本草訛花據毛
本改 又關東臨海北有兔耳覆舟山刊本舟訛丹

今改

卷七十四

吐蕃附錄乃奏起師厚為左衛將軍已而拜河西節度使
刊本河西二字互倒今改

宋史 元托克托等修

目錄中

石熙載刊本熙訛燕據本傳改

卷四

太宗紀三年禽縛飛雄索之盡得其狀刊本其訛共據監本改
四年命太子中允張洎著作佐郎勾中正使高麗刊本
句訛勾據文苑傳改

雍熙三年執其刺史趙彥章彥章以城降刊本章並訛
辛又脫下彥字並據續通鑑綱目改增

卷六

真宗紀咸平四年宴射於含芳園刊本芳訛方今改

卷八

大中祥符四年韓國吳國隋國長公主刊本公主二字互
倒今改又河決通利軍刊本脫河字據續通鑑綱目增

卷九

仁宗紀天聖六年有星大如斗自北流至西南刊本自
訛月據天文志改

卷十六

神宗紀元豐六年鄭國公富弼 刊本鄭訛韓據富弼
傳改

卷二十二

徽宗紀贊況宣政之為宋承熙豐紹聖祿喪之餘 案
宣政蓋指政和宣和而言考漢唐以來每舉一帝年
號俱兩字全書自鄭棻稱開元天寶為開天而宋之
熙寧元豐遂稱熙豐因有稱政和宣和為政宣者此
云宣政則更為顛倒其文尤無義例但各本皆同姑
仍其舊

卷二十五

高宗紀建炎二年靳賽詣劉光世降 刊本光世二字

互倒今改

卷二十九

紹興十年鄭剛中 刊本鄭訛陳據列傳改

卷四十二

理宗紀淳祐二年以孟珙為檢校少保 刊本珙訛琪

據列傳改

卷四十四

寶祐三年洪天錫劾內官盧允升 刊本升訛叔據宋

史新編改

四年監察御史朱熠言境土蹙而賦斂日繁 刊本熠
訛先據列傳改

卷四十六

度宗紀詔立為皇子 刊本皇下衍太字據下文立為
皇太子刪

卷四十七

瀛國公紀咸淳七年 刊本七訛六與下文年四歲不

合據度宗本紀改

卷四十九

天文志樞星在天心 刊本星訛心據監本改

卷五十二

辰星色黑 刊本辰訛歲據監本改

卷五十三

淳化元年 刊本元訛九據下文改

辛亥犯東井東北第三星刊本辛訛巳據上文改 又

庚午犯畢案上文乙卯下文四月丁卯中間並無庚

午此誤

卷五十四

八月乙未入氐辛丑入井 刊本乙未辛丑互倒今改

卷七十

律歷志且朱梁不預正統者 刊本朱訛宋今改

卷七十五

月平行十三度注約分三千六百八十七 刊本七下

衍千字今刪

卷七十六

一百三十四日四分 刊本脫分字今增

卷八十二

上不違于天時下不乖於人事 刊本下訛上今改

卷八十三

春分損注三十一 刊本複衍一字據監本刪

卷八十四

望度注開禧秒九十成天秒八十七 刊本脫成字今增

卷八十七

地理志同波堡注北至膚口城一十五里 刊本里訛
界今改

卷九十三

河渠志斷御河漕運 刊本運訛遭據監本改

卷九十三

監丞鄭祐刊本鄭祐訛郭祐 又乃以商英為龍圖閣
待制刊本英訛吳並據前後文改

卷一百二

禮志籍田令三皆位司農卿南 刊本令訛合據監本

改

卷一百四

參知政事馮拯為儀仗使

刊本馮訛馬據宰輔表改

卷一百五

伯魚母元官氏

刊本元訛升據家語改

卷一百六

于是請奉僖祖神主為始祖

刊本始訛從據前後文

改

卷一百七

不廢時祭之禴

刊本禴訛初據孔氏正義改

卷一百八

詔所上食味委宮闈令監造訖

刊本闈訛圍據監本

改

皇曾祖母桑氏刊本曾訛尊據監本改

又紹熙二年

刊本熙訛興據本紀改

卷一百九

追冊越國夫人苻氏為懿德皇后尹氏為淑德皇后並

祔后廟刊本祔訛苻

明德園陵刊本園訛元並據監本改

廟成名神御殿曰徽音刊本曰訛元 又元豐中刊本
元訛曰並據監本改

卷一百十一

次引副就橫街南承制位北向東上 刊本向訛自據
監本改

卷一百十二

皇帝起居如宮中儀 刊本如訛知今改

卷一百十六

常朝之儀唐以宣政為前殿 刊本常詔當據監本改
四色官應喏急趨 刊本官詔言今改

次內殿當直諸班注散指揮 刊本指揮詔旨為據職
官志改

卷一百十九

次通事及舍人引舍利以下分班入 刊本利詔入據
監本改

卷一百二十

充玉清昭應宮使 刊本昭詔招今改

卷一百二十四

是廢聖人之法而徇唐庸有司之議也 刊本廢訛非

據監本改

卷一百二十六

樂志乃詔翰林學士李宗諤權判太常寺刊本寺訛侍

據監本改 又帝耕祀田案祀監本作耜 又周設

四散鼓於縣間擊之以代建鼓案周監本作別並與
此異

卷一百二十七

取音靡曼近於鄭聲 刊本鄭訛正據監本改

卷一百二十八

鐘聲皆三十有六架架各十有六刊本下十字訛有據
南監本改 又禁中又出李照胡瑗所鑄鐘律案鐘
監本作銅

卷一百三十一

今既親詣室裸 刊本親訛請據監本改

卷一百三十二

洗心防邪肅祇祭典 刊本脫典字據監本增

北郊迎冬乃歲祀事

刊本歲訛藏據南監本改

卷一百三十三

朝日夕月

刊本夕訛冬今改

必先皇祇以迓景福

刊本皇訛星據監本改

卷一百三十四

太宗室酌獻大定

刊本宗訛祖據前後文改

致力於神明信咸通

刊本信咸二字互倒據監本改

黼幄蟬蛸颺旂寧燕

刊本寧燕二字互倒據南監本

改

來貳鸞觴 刊本鸞訛變據南監本改

卷一百三十五

歲逢有年月旅無射 刊本射訛相據監本改

卷一百三十六

祀嶽鎮海瀆 刊本瀆訛濱今改

卷一百三十八

降坐隆安 刊本降訛隆據監本改

卷一百四十

告廟導引 刊本廟訛朝據監本改

卷一百四十六

儀衛志掇稍八注執各一人 刊本執各二字互倒據

監本改

卷一百五十五

選舉志然自祖宗以來莫之廢者 刊本然訛終據通

考改

卷一百五十六

以陝西舉人久陷北境 刊本陷訛蹈據通考改

因差遣例除一路也 刊本除訛降據通考改

卷一百五十七

爾雅博雅 刊本博訛大據通考改

卷一百五十八

並轉太祝奉禮郎 刊本郎訛部據上下文改

卷一百六十

朕昔為元帥時 刊本朕訛族案本紀高宗嘗為天下
兵馬元帥今據改

卷一百六十一

職官志燕王俱 刊本俱訛侯據宗室傳改 又乃以平

章軍國事為名蓋省重字則所預者廣刊本字訛事
案前文或稱平章軍國重事此以平章軍國事為名
故云省重字今據改

開折制敕御史注元豐六年都司置御史房主行彈糾
御史案察失職刊本誤作正文今據監本改

卷一百六十三

凡文武官綾紙五種分十二等注左右僕射使相王用
之刊本王訛為據監本改

右曹令侍郎專領尚書不與刊本缺令字據監本補

卷一百六十四

殿中省 刊本殿中訛中書案中書省與門下省並立
是為兩省已見前卷此處不應複出今據後文改

卷一百六十五

軍器監 刊本器訛參據監本改

乞改為國子監書庫官 刊本改訛下據監本改

卷一百六十六

副都指揮使都虞侯以刺史以上充 刊本刺訛敕據

通考改

可冠以軍名改為承宣使 刊本冠訛觀據通考改

卷一百六十七

參謀參議並以從官充 刊本以訛依據監本改

詔瀘州守臣帶潼川府夔州路兵馬都鈐轄 刊本馬

訛為據監本改

察其登耗有無以足上供 刊本脫無字據監本增

詔諸軍升差統制至準備將者 刊本詔訛謂據監本

改

又置水陸都巡檢使或三州都巡檢使 刊本下都字

訛郡據監本改

卷一百六十九

從政郎注崇寧通仕 刊本脫仕字據監本增

卷一百七十

舒州靈仙觀 刊本舒訛尉據監本改

通直郎注寺監官以上未升朝者刊本寺訛時 又奉

直大夫注有出身人不贈奉直中散大夫刊本身下

脫人字又複行贈字並據監本改增刪

卷一百七十一

太師太傅太保四百千注春服羅三匹 刊本羅訛罷

據監本改

漢乾祐中置州縣官奉戶 刊本戶訛尹據通考改

卷一百七十二

三門白波發運使朝官二十千 刊本運訛輝據監本

改

宰相樞密使料錢月三百貫注指揮宰執請受 刊本

脫揮字據監本增

卷一百七十三

食貨志於是司農寺請立法刊本請訛諸 又其沙礫
不可耕處除之刊本耕訛新並據監本改

卷一百七十五

又收市例錢刊本例訛利按市例錢至孝宗乃更名市
利錢元符時當是市例錢也今據下文改 又自黃
河三門沿流入汴刊本汴訛沛 又往年南自真州
江岸北至楚州刊本真訛鎮並據監本改

卷一百七十七

戶多而役簡者 刊本而訛石據監本改

卷一百七十九

宗室自袒免以上刊本袒訛祖今改 又左思諫翟思
刊本司訛思據監本改

卷一百八十

平廣南江南亦聽權用舊錢刊本亦聽權用訛赤德雄
州據通考改 又轉運使高易簡刊本易訛陽據監
本改 又韶惠州永通阜民監刊本韶訛韶據地理
志改

卷一百八十一

販者不行公私無利 刊本利訛費據監本改

卷一百八十二

申沮壞之制重扇搖之法 刊本搖訛淫據監本改

卷一百八十四

詔川茶侵客茶地者以多寡差定其罪 刊本詔訛輅

據監本改

卷一百八十五

隸總制司刊本總制二字互倒據監本改 又罷官監

後復置之刊本置訛制今改 又寧宗開禧元年刊

本禧訛平據寧宗本紀改 又無為軍亦置務鬻禁
刊本無為二字互倒今改

卷一百九十

兵志一歲閭亦可得米三萬五石 案五下通考有千
字

卷一百九十二

若人主無道以揆之則多為異議所奪 刊本異訛兵
今改

然則保甲戶馬復何所用哉刊本哉訛或據通考改

又令樞密院三省同立法刊本三說一今改 又是
日布進皇畿內保丁總二十六萬熙寧中教事藝者
凡七萬刊本脫總字又複衍者字並據通考增刪

卷一百九十三

詔在京奉錢七百以下刊本奉訛秦據監本改 又西
人結連女真為日甚久刊本西訛四據下文改 又
陝西募土人充軍刊本土訛主據監本改

卷一百九十六

乾道淳熙紹熙之際一遵其制 刊本遵訛導據監本

改

卷一百九十七

計以歲月漸次興作毋得急遽科斂 刊本毋訛每今
改

卷一百九十八

凡御馬注入殿祇候十五匹別駕十四匹刊本上十字
訛六下十字訛下並據監本改 又迹此推之刊本
推訛臣 又臣往年出使刊本臣訛推並據通考改
又八年遂廢河南北八監刊本上八字訛萬據監

本改

卷一百九十九

刑法志每遇十一月權住區斷過天慶節即決之
刊
本過訛遇據監本改

卷二百

時郡縣吏承五季之習
刊本季訛年據監本改

卷二百一

良人於法應死而情輕者刊本良上行犯字據通考刪
又國家承平百年當用中典刊本典訛興據監本

改

卷二百二

藝文志衛元嵩周易元包十卷注蘇源明傳 刊本源

訛元據崇文總目改

古文尚書二卷案二上通考有十字 又三墳書三卷

注元豐中毛漸所得刊本毛訛手據書錄解題改

大周正樂八十卷注五代周實儼訂論 刊本五訛三

儼訛嚴並改

邢昺爾雅疏十卷 刊本邢訛邵今改

卷二百三

孫盛晉陽秋三十卷刊本陽下衍青字據監本刪 又

唐敬宗實錄十卷注李讓夷等撰刊本李訛本據通
考改

卷二百四

陳彭年大中祥符編敕四十卷 刊本符訛行據監本
改

遂初堂書目二卷 刊本遂初訛遂安據通考改

劉公銳鄴城新紀三卷 刊本銳訛作銍鉉二字唐

書藝文志改

鄭文寶南唐近集一卷 刊本唐訛毫據通考改

卷二百五

近思錄十四卷注周敦頤程顥程頤張載等書 刊本

脫上頤字又程頤誤列在程顥前今並增改

卷二百六

漢武帝洞冥記四卷注東漢郭憲編按郭憲洞冥記已見傳記類此係複出 又幽明雜警三卷注題退夫興仲之所纂刊本退字訛在所字下又夫訛天並據

監本改

卷二百七

合元萬分歷三卷注作者名術不知姓 刊本姓下衍
名字今刪

卷二百八

周孚鉛刀編二十二卷 刊本鉛訛鈞據監本改

卷二百九

魏泰隱居詩話一卷 刊本詩話二字互倒今改

卷二百十

宰輔表乾德五年注沈義倫自西川轉運使加戶部侍郎刊本川訛州又王仁贍自樞密副使責授右衛大將軍刊本授訛提並據監本改

卷二百十二

大觀元年注徐處仁自試戶部尚書除中大夫尚書右丞刊本除訛院據監本改

卷二百十三

紹熙五年注授觀文殿大學士依前特進刊本進訛通據監本改

卷二百十九

世系表武翊郎子思

刊本武翊訛代翔據監本改

卷二百二十五

贈朝請大夫

刊本脫大字今增

卷二百三十

贈正奉大夫

刊本正訛英據監本改

卷二百三十三

內殿崇班士軌

刊本殿崇訛班殿據監本改

成忠郎士垼

刊本缺垼字據監本補

追封原王樞 刊本缺樞字據宗室傳補

卷二百三十五

三班奉職諷之 刊本奉訛殿 又忠翊郎公昱刊本
忠訛思並據職官志改

右監門衛大將軍 刊本監訛班據職官志改

卷二百三十六

左班殿直公大 刊本班殿二字互倒據職官志改

贈供奉官訛之 刊本官訛夫據職官志改

卷二百三十八

武翼大夫資之 刊本大訛郎據監本改

卷二百三十九

贈左武衛上將軍 刊本左武二字互倒據職官志改

卷二百四十

太子右內率府副率叔同 刊本下率字訛叔據職官

志改

卷二百四十一

博陵郡王承選 刊本郡訛侯據監本改

卷二百四十四

燕王德昭傳贈彰信軍節度 刊本彰訛張據地理志

改

卷二百四十五

周王元儼傳授荊王淮南節度大使 刊本王南二字

互訛據監本改

卷二百四十六

吳王佖傳初授山南東道節度使 刊本山南二字互

倒據職官志改

卷二百四十八

魯國大長公主傳政和改賢靖大長帝姪 刊本靖訛
肅據上文改

卷二百四十九

范杲傳太宗閱之錄其二子 刊本宗訛祖據監本改

卷二百五十一

慕容延釗傳聞吳人舟數百艘泊東沛州即命延釗與
左神武統軍宋延偓討之 案沛宋偓傳作沛左作
右又無下延字並與此異

卷二百五十六

趙普傳奈何將帥等不遵成算 刊本成訛威據監本

改

卷二百五十七

李繼昌傳主誕日邀繼昌過其家迎拜為壽 案公主
傳作因繼昌生日以舅禮謁之與此異

王仁贍傳駙馬都尉王承衍 刊本衍訛衍據王承衍
傳改

卷二百五十八

曹彬傳義成軍節度使 刊本軍訛宣據監本改

卷二百六十二

劉載傳唐盧龍節度濟之六世孫 刊本孫訛宗今改

卷二百六十四

宋琪傳令大軍會于易州循孤山之北涑水以西 刊
本來訛漆據周禮改

卷二百六十六

溫仲舒傳素居渭南土著已久 刊本居訛屈據監本
改

卷二百七十一

郭廷謂傳廷謂與州將黃仁謙為固禦之計 刊本謂

訛尉今改

卷二百七十三

何承矩傳是歲契丹始遣使奉幣 刊本始訛使據監

本改

卷二百八十二

王旦傳同中書門下平章事 刊本脫下字今增

卷二百八十三

林特傳據案終日不倦 刊本倦訛卷據監本改

卷三百一

徐起傳起請開長淮舊浦以便漕運 刊本漕訛遭據

監本改

卷三百十四

范純仁傳右丞鄧潤甫 案右續綱目作左

卷三百十七

邵亢傳晏殊為守 刊本守訛首據晏殊傳改

卷三百二十

彭思永傳御史蔣之奇糾歐陽修陰事挽思永自助思

永以為帷簿之私非外人所知 案歐陽修傳作修
被不根之謗思永以告之竒之竒即上章劾修與此
異

卷三百二十六

郭恩傳撤其樓櫓徙其甲兵以實新堡刊本櫓訛擠徙
訛從 又俯瞰其地刊本俯訛傭今並改

卷三百二十九

徐鐸傳今宜存宣祖于當祧 刊本祧訛說據禮志改
卷三百三十一

周沆傳蓋仲昌先為小計以求興役爾 刊本求訛來

據監本改

舜俞傳欲如私家雜償他物不可得 刊本償訛賞據

監本改

卷四百三十四

熊本傳縣令填包魚池為窪田 刊本填訛項窪訛圭

並據監本改

陶弼傳知賓容欽三州 刊本容訛客據地理志改

卷三百四十三

許將傳取四方猶跬步 刊本四訛西據監本改

卷三百四十九

賈逵傳秦山多巨木 刊本秦訛秦按秦鳳路與泰山

無涉今改

卷三百五十三

孫傳傳姑少付以兵 刊本付訛信據監本改

卷三百五十六

劉拯傳紹聖初復為御史 刊本聖訛興據哲宗本紀

改

卷三百六十

趙鼎傳鼎奏遣張俊往援之 刊本援訛受據監本改

卷三百六十一

張杓傳以疾乞祠卒 刊本祠訛嗣據監本改

卷三百六十二

范致虛傳命杜常將民兵萬人趨京師夏倣將萬人守

陵寢 刊本兵字訛在寢字下據監本改

呂好問傳留一字董統之可也 刊本留訛劉字訛勃

並據續綱目改

卷三百六十四

韓世忠傳尚留朕肘腋能先誅乎
刊本肘訛尉據續

綱目改

卷三百六十五

岳飛傳飛乘亂縱擊
刊本乘訛衆據續綱目改

卷三百六十九

張俊傳政和七年刊本和訛利
又子正刊本複衍正

字並據監本改刪

卷三百七十一

徐處仁傳仁言仲尼之道無所不備刊本之道二字互
倒 又嘗與敏爭事刊本爭訛事並據監本改

宇文虛中傳明日從康王還 刊本日訛年據監本改

卷三百七十二

王之望傳陳康伯秉政 刊本康訛泰據監本改

卷三百七十五

馮康國傳頃臺諫好以朋黨論士大夫 刊本朋訛明

據監本改

卷三百七十六

呂本中傳童蒙訓三卷 刊本蒙訛豪據藝文志改

卷三百七十八

蔡崇禮傳其後繼者曾公亮文彥博 刊本曾訛魯今改

卷三百七十九

章誼傳米商輻奏 刊本輻訛奏今改

胡松年傳况海道濶遠蘇秀明越最為要衝 刊本越

訛趙據地理志改

卷三百八十

薛弼傳弼許俊以靖州 刊本弼許二字互倒據監本改

卷三百八十一

范如圭傳命宗室士褒及張燾以行 刊本褒訛褒據

宗室傳改

晏敦復傳今方專國便敢爾 刊本專訛策據續綱目改

卷三百八十二

勾濤傳時帝駐蹕建康 刊本康訛炎今改

卷三百八十七

王十朋傳博采魚聽以收其效
刊本魚訛蕪據監本
改

卷三百八十八

陳橐傳曾未淹歲反覆如此
刊本未訛為據監本改

卷三百九十三

羅點傳當風雨雷電既霽之餘
刊本霽訛濟據監本改

卷三百九十七

劉光祖傳又請改正憲德慈烈皇后諱日
刊本諱訛

韓據監本改

卷四百二

安丙傳至是曦還興州留丙魚關
刊本留訛劉據監
本改

卷四百三

趙方傳光化守潘景伯
刊本光化二字互倒據地理
志改

卷四百八

王寔傳民因賦役而破蕩
刊本賦訛賊據監本改

卷四百九

高斯得傳進孝宗繫年要錄綱目 刊本孝詔高據前

後文改

卷四百十

曹彥約傳以紹聖崇觀諱言為戒 刊本戒詔成據監

本改

卷四百十二

孟珙傳轉成忠郎 刊本成詔威據職官志改

卷四百十三

趙汝讜傳功業當如朱虛立身當如子政 刊本政訛
攻據監本改

卷四百十五

程公許傳逐諫臣開邊釁 刊本開訛聞據監本改
王遂傳以寶章閣待制 刊本制訛置今改

卷四百十六

汪立信傳蓋以立信目微眇云 刊本眇訛耿據監本
改

卷四百二十七

考證程顥傳度之興國宰程珦 刊本珦訛瑤據本傳
改

卷四百二十八

劉絢傳所蠲財什二 刊本什訛行據監本改

楊時傳又言都城居四達之衢 刊本都城二字互倒

據續綱目改

羅從彥傳間謁時將樂溪上吟咏而歸 刊本脫樂字

據宋儒語錄增

卷四百二十九

朱子傳然後舉而加之於位 刊本脫舉字今增

卷四百三十七

真德秀傳願討論雍熙追封秦王舍罪恤孤故事 刊

本熙說頤據本紀改

魏了翁傳入對乞明君子小人之辨 刊本對說封據

監本改

卷四百四十二

尹源傳田承嗣守魏 刊本承說秉據唐書改

卷四百四十四

米芾傳風神蕭散音吐清暢 刊本音訛立據監本改

卷四百四十六

孫益傳初益在朔寧 刊本朔訛朝據前文改

卷四百四十七

唐重傳并條奏闕中防河事宜 刊本奏訛秦據監本改

卷四百五十四

米立傳吾官銜一箇牙牌寫不盡刊本銜訛街牙訛先據續綱目改 又立乃生擒之人與投拜者不同刊

本生訛堅投訛授並據監本改

卷四百五十五

楊宏中傳溥字象夫 刊本溥訛傳據前文改

卷四百五十六

郝戴傳姻族語其妻聶氏使勸戴仕 刊本仕訛士據

監本改

卷四百六十

張氏傳縛女於其內旁列熾火 刊本女訛母據上下

文改

謝枋得妻李氏傳元兵蹤跡至山中 刊本元訛信據

史緯改

卷四百六十二

甄棲真傳單州單父人 刊本父訛文據地理志改

卷四百六十三

馬季良傳入為刑部詳覆官 刊本詳訛許據監本改

卷四百六十四

李遵勗傳有閒宴集二十卷 刊本閒訛問據監本改

端愿傳以獻穆公主恩七歲授如京副使刊本獻穆二

字互倒據公主傳改 又初官喜事飾厨傳以干名
刊本初訛被據監本改

卷四百六十六

李神祐傳命神祐奉聘禮於華州 刊本華訛葉據監
本改

卷四百六十八

童貫傳政和元年副鄭允中使於遼 刊本允訛久據
續綱目改

卷四百六十九

王德謙傳奏請嘉王詣重華宮問疾 刊本請訛讀據

監本改

卷四百七十一

章惇傳民有被酒狂譎者詔貸其死 刊本狂訛征據

監本改

曾布傳使專任安石以威脅衆使毋敢言故驟見拔用

刊本故訛政今改

卷四百七十三

秦檜傳退又白之臺諫 刊本退訛過據續綱目改

卷四百七十四

丁大全傳須臾出北闕棄槐詔呼而散 刊本闕訛闕

據續綱目改

卷四百七十五

劉豫傳麟總中路兵 刊本中訛十據續綱目改

苗傅傳能殺淵及內侍則人人可富 刊本富訛審據

監本改

卷四百七十六

李全傳上全遣小吏再致書 刊本再致二字互倒今

改

卷四百七十七

李全傳下亟牒海州求通泰入湖之路 刊本海訛池

據監本改

卷四百八十四

韓通傳又城東鹿及鼓城 刊本東訛東據地理志改

李重進傳世宗在迎鑾遣重進將兵赴廬州 刊本鑾

訛鑾據五代史改

卷四百八十五

李彞興傳仁福率子彞超嗣刊本超訛興據五代史改
又繼捧乞師及翟守素來乃奉表歸款刊本乃訛
及今改

卷四百八十六

李本常傳乾順改元正德 刊本順訛德據前文改

卷四百八十八

交趾國傳詔文思院製鞍韉以賜天祚 刊本韉訛韉
據監本改

卷四百八十九

占城國傳王每日午坐禪椅刊本禪訛憚又脫椅字又
即令泰養之人以數論之刊本脫人字 又乞市騾
馬刊本騾訛譯並據通考改增

卷四百九十

回鶻國傳有小郡數百刊本小說亦據通考改 又副
使安福刊本福訛副據監本改 又神宗問其國種
落生齒幾何刊本何訛行據通考改

大食國傳眼藥二十小琉璃瓶 刊本眼訛銀據通考
改

卷四百九十二

日本國傳賜木吉治裝錢遣還 刊本治訛時據監本

改

卷四百九十四

南丹州傳奪其地守 刊本守訛首據通考改

卷四百九十五

廣源洲傳又以雷火頻婆四洞及思浪州附益之 案

四通考作回

卷四百九十六

黎州部落蠻傳他如浮浪蠻白蠻 刊本他訛地據監

本改